



戏说 AI 作诗

■唐云辉

风骚起舞哪须精，芦管装腔意分明。
信手打油彰业力，随心平仄韵天成。
千言雕镂无情字，万语融通有浊声。
宁做举杯亭外客，只求浅醉不求名。

丙午年珠海清明记

■唐云辉

珠海物情奇不奇，暮春寒甚冽冬时。
棉袍欲褪绒新裹，箱火刚关碳又滋。
风扫落英香满径，雨生岚雾煦无期。
更教山涧多姿柳，妩媚宫腰润颂辞。

雨中游阳明祠

■李学任

扶风山麓柏幽幽，细雨凝烟纵远游。
黛瓦朱栏参至道，苍檐修木结清俦。
文明肇启千秋仰，功德何殊万古留。
心净方知天理在，云霞不语自风流。

雨中游甲秀楼

■李学任

明河清漾绕芳洲，秀甲黔中第一楼。
五百青春涵碧玉，千寻危槛倚风流。
凄迷烟雨飞檐雅，咫尺云霞砥柱遒。
凭栏尽揽城南色，一任渔歌唱晚舟。

石门坑村

■徐坚平

逢闲喜山野，慕到石门坑。
龙眼累累挂，红云颗颗呈。
村深游不尽，犬吠出相迎。
坐爱林泉久，忘归蝉伴鸣。

登韭菜岭

■徐坚平

都庞绝顶倚苍穹，万壑松涛荡碧空。
野韭连云铺翠毯，清溪绕石入瑶宫。
穿林时见鸟鸣影，越涧犹闻虎啸风。
回望千家峒前路，烟霞深处有仙翁。

潮州凤凰山天池

■刘玉麟

漫山烟霭绕天池，石径连云入渺姿。
一涧清灵凝单丛，仙峰蕴秀产奇丝。

瑶池睡美人

■刘玉麟

瑶池一镜卧青山，静枕烟岚带醉颜。
满目清幽尘不到，白云相伴自安闲。

清平乐·金湾航展公园金凤台观航展

■萧世春

金台峻劲，极目沧波净。银翼凌云开画境，漫逐长风驰骋。
跑道遥接沧溟，战鹰气贯长星。揽得湾区盛景，初心共赴天行。

钗头凤·观电影《给阿嬷的情书》有感

■萧世春

尘缘断，慈容远，旧笺犹带温情暖。关山隔，音尘寂，一生恩义，此生难觅。惜、惜、惜。
流年换，空肠断，梦回离别当年伴。残灯泣，旅愁积，知心哀痛，永怀追忆。忆、忆、忆。

游山西壶口瀑布有感

■郑石

淼淼水从天上倒，奔腾至此突收腰。
龙槽十里悬壶造，雷礴咆哮千世消。

广场晨练见闻之一 水笔练字

■郑石

枝枝水笔地坪爬，蛇舞龙飞任使它。
练就颜筋欧骨相，再呈纸上秀风华。

成纪新韵

■阎惠群

成纪文化古摇篮，汉唐威名中外传。
杨柳依依丝路舞，果香飘飘羲皇酣。

三灶木头冲村摘荔

■阎惠群

雨收初霁焕云华，旭景驱车访荔家。
千颗丹珠垂翠叶，一山朱实映晴霞。
琼浆破壳香沾指，鸟语喧林脆胜筍。
归去斜阳添醉意，满筐玛瑙染轻纱。

踏莎行·带雨

■赖雄斌

势泻银河，声播瓦釜。跳珠乱扑庭前树。幽禽两两去还回，垂枝果熟偷相觑。
懒煮新茶，慵裁短句。芸编展罢浑无绪。云舒云卷本难凭，惊雷迭起清溪浦。

夏日游霞山湖书所见

■赖雄斌

曲径通幽翠半遮，拱桥低映竹枝斜。
水亭睡足抛书起，闲对栏边栀子花。

江城子·登江西明月山

■刘爱国

我今负手立苍巅，掬星澜，漱云端。扯片虹霓，题句碧霄间。万壑松涛齐唱和，声浩荡，韵回环。
忽惊身是画中仙，瞰尘寰，小如丸。且唤垣娥，对饮玉壶寒。醉揽月轮归袖底，光皎皎，影珊珊。

七律·雨中访南昌八一起义纪念馆

■刘爱国

洪都冷雨湿青衫，古碣苍苔隐旧缄。
轮辙深藏千载血，孤碑独峙万重岩。
抚尘静拾烽烟事，凭槛遥观云岫晓。
愧我微词酬烈魄，且携清韵赴长帆。

骤雨偶得

■朱兴泽

倾盆奔潦断人行，风卷烟霾草木惊。
赤日惶消如夜降，乌云悍涌似妖生。
闲听窗外千珠碎，漫看尘寰万象清。
不与天公争片晌，且舒双眼对潮平。

题曾国明先生《天地与都市的交融》

■朱兴泽

烟霭锁层楼，绡纱裹郭悠。
依窗听天语，入梦枕云头。
寥廓千心静，苍茫万虑休。
丹青藏浩气，自在墨中收。

台风红霞后赏宁徽园有咏

■孙光荣

红霞潇洒泽园肥，满眼青葱黛色飞。
文旅永宁烟火味，中山小榄耀光辉。

游中山小榄宁徽园感怀

■孙光荣

邀友宁徽园里赏，携风小榄镇中游。
白墙青瓦太湖石，忘却红尘几许愁。

家山房路

■刘广大

青石苔痕巷转深，颓垣卧藓岁华沉。
一山坐阅半城史，风雨千春蚀到今。

汤臣倍健营养餐厅

■刘广大

青蔬碧果列餐台，荤素均衡巧手裁。
一饭一汤皆学问，舌尖真味齿间来。

从教三十六载感怀

■练文元

杏坛历尽卅六秋，两鬓微霜志未休。
粉笔无言描岁月，讲台有爱写风流。
曾扶稚子攀书岭，更送英才泛学舟。
莫道桑榆霞色晚，清辉犹可照层楼。

贺永妍佳钦两学子荣录华南理工

■练文元

捷报飞来意气昂，两名俊彦振嘉声。
永妍文采翻涛浪，佳钦志气若飞樯。
十载灯火酬宏志，万里风鹏举大方。
共聚华园攻玉处，明朝同看碧梧芳。

谒林伟民陈列馆

■杨玉精

三灶英魂励后昆，工潮卷地起风云。
海员举纛惊寰宇，省港挥戈铸铁军。
七尺捐躯酬壮志，百年浴血鉴忠勋。
丰碑永立鱼林畔，浩气千秋贯九垠。

观三灶非遗鹤舞竹编

■杨玉精

南宋遗风七百年，竹青为骨鹤翩翩。
巧编经纬藏村韵，鹤舞歌扬福寿绵。

航展公园远眺

■董志恒

银鹰穿碧宇，沧海接云涯。
小径依园坐，悠然看舰槎。

横石基沙滩日落

■董志恒

西向金滩落日熔，退潮沙镜映苍穹。
橙红尽染天和海，醉卧烟霞暮色中。

水仙子·夜雨归途

■余琤

车河眩夜走如龙。长岸江潮雨气濛。
西风暗度黄梁梦。醒时谁与同。

醉来哪辨西东。人翻涌，百事慵，如此灯红。

少年游·黄昏睡起偶吟

■余琤

金风随意绕江村，凉意懒精神。当窗清气，望萧萧树，绸缪暗销魂。
菱花不是新模样，秋水洗黄昏。楼外层林，寂寥烟雨，叶叶已非春。

观鹭

■梁丽金

细雨初收草色新，白翎三两立湖滨。
忽惊桨板拨云影，散作青天点点银。

胥家印象

■梁丽金

船影参差水巷深，胥歌隐约隔烟寻。
忽闻岸上人呼酒，一盏斟来是古今。

牂牁江小渡

■朱水兴

一江浮玉下牂牁，峡谷长流解碧萝。
景过云飞空两岸，舟移水动漫千涡。
乌蒙草树青犹古，夏日风烟野自多。
素影涵虚开朗镜，闲心不逐个中波。

牂牁路上

■朱水兴

大山行过几多遭，才下深崖复走高。
辗转云程看未足，牂牁一水绿滔滔。

满庭芳·浮月村

■刘海金

百顷田畴，千年古渡，水云曾驻归鸿。
碧波环绕，烟树隐青峰。谁道荒滩寂历，凭栏处、楼起苍穹。
中西合，廊檐柱础，气韵自雍容。

匆匆。回首念，当年去国，万里飘蓬。
但得金为壁，筑此瑶宫。壁上弹痕尚在，记当日、血雨腥风。
斜阳里，渔歌阵阵，人在画图中。